



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2017. GODINU BOSS-BOSANSKE STRANKE –MIRNES AJANOVIĆ

Broj: 03-07-6-293/18
Sarajevo, 09.09.2019. godine

SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole.....	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1.NALAZI.....	5
5.2. PREPORUKE.....	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja BOSS-Bosanske stranke-Mirnes Ajanović za 2017. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2017. godinu, utvrđeno je da je BOSS-Bosanska stranka-Mirnes Ajanović prekršila odredbe člana 4. stav (1), člana 11. stav (1) i člana 12. stav (1) i stav (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja BOSS-Bosanske stranke-Mirnes Ajanović za 2017. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, BOSS-Bosanska stranka-Mirnes Ajanović se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	182.965,33	99,19
8.	Prihodi od propagande (3-g)	0,00	0,00
I	Ukupni prihodi (1-8)	182.965,33	99,19
II	Ostali prihodi i drugo	1.500,00	0,81
	Izvori finansiranja (I+II)	184.465,33	100,00

U godišnjem finansijskom izvještaju za 2016. godinu BOSS-Bosanska stranka-Mirnes Ajanović iskazala je rashode u iznosu od 166.126,03 KM.

2. PREDSTAVLJANJE POLITIČKE STRANKE

Naziv političke stranke je BOSS-Bosanska stranka-Mirnes Ajanović. Skraćeni naziv je BOSS.

Politička stranka je registrovana kod Višeg suda u Tuzli, rješenjem broj: R-I-18/94 od 09.05.1994. godine, pod nazivom: Bosanski omladinski savez „BOSS“ Tuzla.

Rješenjem Kantonalnog suda u Tuzli od 24.05.2002. godine i rješenjem Općinskog suda u Tuzli, broj: 032-O-Reg-06-000792 od 08.05.2006. godine, upisana je promjena naziva stranke, tako da novi naziv glasi: BOSS-Bosanska stranka-Mirnes Ajanović.

Sjedište političke stranke je u Tuzli, Kojšino 7.

Lice ovlašteno za zastupanje stranke je Mirnes Ajanović, predsjednik.

Lice ovlašteno za podnošenje finansijskih izvještaja za 2017. godinu je Nedžad Zonić.

Prema podacima iz godišnjeg finansijskog izvještaja za 2016. godinu, BOSS-Bosanska stranka-Mirnes Ajanović ima sljedeću organizacionu strukturu:

- Glavni odbor i
- Regionalni odbor Sarajevo.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj BOSS-Bosanske stranke-Mirnes Ajanović za 2017. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja BOSS-Bosanske stranke-Mirnes Ajanović obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled, kontrolu i reviziju finansijskih izvještaja BOSS-Bosanske stranke - Mirnes Ajanović u periodu od 2004. do 2016. godine, nakon kojih su izdati izvještaji o pregledu i reviziji sa mišljenjem revizora, nalazima i preporukama revizije.

Nakon izvršenog pregleda finansijskog izvještaja za 2016. godinu, izdat je izvještaj o pregledu sa mišljenjem revizora, nalazima i preporukama stranci da ne prima donacije koje su zakonom zabranjene, da vodi poslovne knjige i podnosi finansijske izvještaje na način koji je utvrđen zakonom i drugim propisima u skladu sa zakonom i da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2017. godinu, utvrđeno je da stranka nije ispoštovala preporuke revizije.

5. NALAZI I PREPORUKE

5.1. NALAZI

a) BOSS-Bosanska stranka-Mirnes Ajanović je prekršila odredbe člana 4. stav (1) Zakona o finansiranju političkih stranaka¹.

Stranka je dostavila Program utroška sredstava za 2017. godinu u kojem je predvidjela ukupne troškove u iznosu od 165.950,00 KM.

- Program utroška sredstava za 2017. godinu, u jednom dijelu, je u suprotnosti sa odredbama Statuta stranke.

Uvidom u Statut političke stranke BOSS – Bosanska stranka – Mirnes Ajanović, utvrđeno je da je članom 20. Statuta političke stranke propisano da predsjednik BOSS – Bosanske stranke – Mirnes Ajanović predstavlja i zastupa BOSS, te odgovara za rad stranke.

Politička stranka je u svom Programu utroška sredstava planirala sredstva za advokatske usluge² u iznosu od 15.000,00 KM, a iste je isplatila predsjedniku stranke, odnosno advokatskoj kancelariji čiji je vlasnik, u iznosu od 11.900,00 KM, unatoč činjenici da zakonski i statutarni zastupnik stranke, ne može istovremeno biti i plaćeni opunomoćenik kao advokat.

¹ U skladu sa odredbom člana 4. stav (1) Zakona o finansiranju političkih stranaka, stranka finansijska sredstva iz člana 3. stav (1) ovog zakona može koristiti isključivo za ostvarivanje ciljeva utvrđenih svojim programom i statutom.

² Advokatske usluge stranci je pružio predsjednik stranke i za pružene usluge ispostavio račune.

- Politička stranka je za obavljanje administrativno-tehničkih poslova i rada na terenu sa članovima stranke, zaključila ugovore o djelu, kojima su naknade za iste poslove ugovorene u značajno različitim iznosima. Tokom 2017. godine po osnovu ugovora o djelu BOSS – Bosanska stranka – Mirnes Ajanović je isplatila ukupno 24.079,96 KM, i to: za obavljanje administrativno-tehničkih poslova i rad na terenu sa članovima stranke kod Regionalnog odbora Sarajevo gdje su ugovori zaključeni u bruto iznosu od 1.060,00 KM i 1.234,29 KM, dok su u Glavnom odboru -Tuzli i Travniku zaključeni u iznosu od 224,42 i 448,83 KM za istu vrstu posla.

b) Pregledom godišnjeg finansijskog izvještaja za 2017. godinu, utvrđeno je da je BOSS-Bosanska stranka-Mirnes Ajanović prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Na osnovu obavljenog pregleda godišnjeg finansijskog izvještaja i dodatne finansijske dokumentacije, utvrđeno je da BOSS-Bosanska stranka-Mirnes Ajanović nije pravilno evidentirala prihode i rashode i finansijski izvještaj nije podnijela u formi koju je propisala Centralna izborna komisija Bosne i Hercegovine, čime je prekršila odredba člana 11. stav (1) i člana 12. stav (1) i stav (4) Zakona o finansiranju političkih stranaka.

- Služba za reviziju je utvrdila da je stranka u obrascu 3 (izvori finansiranja) godišnjeg finansijskog izvještaja iskazala ostale prihode u iznosu od 1.500,00 KM, dok je isti iznos u poslovnim knjigama evidentirala kao prihod iz budžeta.

Kontrolom prometa izvoda sa transakcijskog računa kod Unicredit bank dd, utvrđeno je da je stranka primila sredstva sa transakcijskog računa Ministarstva finansija i trezora BiH po nalogu Centralne izborne komisije Bosne i Hercegovine u iznosu od 1.500,00 KM.

Kako se radi o povratu uplaćene takse za ovjeru političke stranke na Lokalnim izborima 2016. godine, a ne prihodima iz budžeta, stranka je u poslovnim knjigama i godišnjem finansijskom izvještaju ukupne prihode iskazala u većem iznosu za 1.500,00 KM od ostvarenih, čime je prekršila odredbe člana 13. Pravilnika o godišnjim finansijskim izvještajima političkih stranaka- u daljnjem tekstu: Pravilnik.

- BOSS-Bosanska stranka-Mirnes Ajanović nije u obrascu 1-1 (teritorijalna organizacija političke stranke) iskazala sve niže organizacione odbore stranke, čime je prekršila odredbe člana 10. Pravilnika.

Uvidom u obrazac 3-f (prihodi iz budžeta) godišnjeg finansijskog izvještaja, utvrđeno je da je stranka osim Glavnog odbora stranke u Tuzli i Regionalnog odbora u Sarajevu ostvarila prihode iz budžeta Općine Gračanica i Općine Travnik, a pri tome nije iskazala organizacione dijelove u Gračanici i Travniku.

- U obrascu 3-f (prihodi iz budžeta) godišnjeg finansijskog izvještaja stranka je iskazala prihod iz budžeta Općine Novi Grad u većem iznosu za 872,52 KM, dok je prihod iz budžeta Grada Sarajeva umanjila za isti iznos, suprotno odredbama člana 19. Pravilnika.

Uvidom u izvode i poslovne knjige stranke utvrđeno je da je stranka pogrešno evidentirala tri uplate iz budžeta Grada Sarajeva u iznosu od 290,84 KM, što ukupno iznosi 872,52 KM, kao prihod iz budžeta Općine Novi Grad.

- Takođe, stranka je u finansijskom izvještaju iskazala troškove telefona u iznosu od 5.534,15 KM. Uvidom u račune za telefon utvrđeno je da je stranka platila 11 računa za mobilni telefon koji koristi fizičko lice, odnosno predsjednik stranke, što ukupno iznosi 2.493,20 KM. Obzirom da navedeno lice nije uposlenik stranke, navedene isplate imaju karakter ličnih primanja na koja je politička stranka, u skladu sa poreznim propisima, bila obavezna obračunati i platiti porez i pripadajuće doprinose.

c) Bez kvalifikovanja revizijskog mišljenja, skrećemo pažnju na visinu troškova zakupa motornih vozila.

Uvidom u poslovne knjige i dokumentaciju evidentno je da je BOSS-Bosanska stranka-Mirnes Ajanović izvršila nabavku usluga, odnosno uzela pod zakup pet putničkih motornih vozila, a koristila je tri, te je po osnovu korištenja tri vozila evidentirala troškove po cijenama koje su neprimjereno visoke u odnosu na tržišne ili fer cijene.

Stranka je sa Dedić Muamerom zaključila Ugovor o zakupu putničkog motornog vozila na period od dvanaest mjeseci uz mjesečnu zakupninu od 800,00 KM, te po istom ovom fizičkom licu isplatila iznos od 10.400,00 KM.

Drugo motorno vozilo stranka je iznajmila od Zonić Nedžada uz mjesečnu zakupninu od 800,00 KM, na period od 12 mjeseci, pa mu je na osnovu ugovora o zakupu u 2017. godini isplatila ukupno 9.600,00 KM.

Treće motorno vozilo stranka je iznajmila od Bajre Bibera, uz mjesečnu zakupninu od 800,00 KM za prvih pet mjeseci 2017. godine, dok je za narednih sedam mjeseci mjesečna zakupnina iznosila 1.200,00 KM, te po istom ovom fizičkom licu isplatila iznos od 12.400,00 KM.

5.2. PREPORUKE

Preporučuje se BOSS-Bosanskoj stranci-Mirnes Ajanović da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da finansijska sredstva koristi isključivo za ostvarivanje ciljeva utvrđenih svojim programom i statutom,***
- ***da vodi poslovne knjige i podnosi finansijske izvještaje na način koji je utvrđen zakonom i drugim propisima u skladu sa zakonom,***
- ***da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka i***
- ***posebno se stranci skreće pažnja da racionalno troši budžetska finansijska sredstva.***

KOMENTAR:

BOSS – Bosanska stranka – Mirnes Ajanović očitovala se u ostavljenom roku na Preliminarni izvještaj o pregledu godišnjeg finansijskog izvještaja za 2017. godinu.

U očitovanju stranka je dostavila dokumentaciju koja nije uticala na nalaze navedene u Preliminarnom izvještaju.

Revizor

Veliborka Kenjić

Pomoćnik revizora

Anela Burdžović Kapić

Šef Službe za reviziju

Mr. sc. Hasida Gušić